

20
DISSERTATIO MEDICA
INAUGURALIS,

DE
DIABETE:

QUAM
ANNUENTE SUMMO NUMINE,

Ex auctoritate reverendi admodum viri

D. GULIELMI WISHART, S. T. D.
ACADEMIAE EDINBURGENAE PRAELECTI;

NEC NON

Amplissimi SENATUS ACADEMICI consensu,
et nobilissimae FACULTATIS MEDICAE decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS,
ERUDITORUM EXAMINI SUBJICIT

GEORGIUS CLAMPET, M. A. HIBERNUS.

Ad diem 29 Maii, hora locoque solitis.

EDINBURGI:

Apud HAMILTON, BALFOUR, et NEILL.
M, DCC, LI.

THE UNIVERSITY OF CHICAGO
LIBRARY

1000
1000

1000
1000

1000
1000

1000
1000

1000
1000

1000
1000

1000
1000

1000
1000

A M I C O S U O B E N E V O L O

Reverendo R O B E R T O C A S H I N,


Ecclesiae Anglicanae Pastori,

H A N C D I S S E R T A T I O N E M,

S T U D I O R U M S U O R U M P R I M I T I A S,

D. D. D.

G E O R G I U S C L A M P E T.



Digitized by the Internet Archive
in 2019 with funding from
Wellcome Library

https://archive.org/details/b30783318_0001

DISSERTATIO MEDICA

INAUGURALIS,

DE

DIABETE.

DISSECTIONS anatomicae cadaverumque inspectio, sedes morborum occultas explorando, medicinae absque his adjumentis in tenebris haerenti, multum lucis attulerunt: cognita enim morbi sede, remedia apposita quadam virtute pollentia, quae operationem in hoc aut illud viscus dirigit, facilius eligere possumus: applicationes etiam externae parti affectae, mali fomiti, felici cum successu saepe admoventur.

NONNULLI autem in hunc maximi emolumenti scopum nimis anxie collimantes, autumare videntur, quod nullus est morbus, qui aliquod viscus pro sede sua non agnoscit; cum nihil magis verum sit, quam quod in plerisque morbis, fluidorum praesertim, sedem in aliquo viscere fixam invenire omnino impossibile est: si autem viscus in culpa sit, causa morbi adeo remota evadit, ut prorsus incerta et

A

hypothetica

hypothetica censeatur. Pro exemplo hujus erroris est Diabetes, morbus de quo nunc verba facturum sum, cujus sedem in renibus multi, alii autem in hepate ^a, voluerunt.

DIABETES, a διαβαίνω *pertranséo*, est profluvium urinae insolitum sub aquae specie, quo omnia aegri fluida cum viribus exhauriuntur.

QUOD inter veteres non frequens fuit hicce morbus, ex scriptis eorum satis clare apparet; praecipue autem ex Galeno ^b, qui se tantum bis vidisse confitetur: Lommius ^c et Hildanus ^d se non, nisi semel, in tota sua praxi hoc malum observasse affirmant: hodie vero, cum luxui et intemperantiae se comitem saepius adjungere solet, non adeo rarus est.

Ex antiquioribus aliqui ^e, in phaenomenis hujus morbi explicandis, commentitias quasdam facultates, attractricem, retentricem, et expultricem renibus adscripserunt; hasque dotes quodammodo depravatas hunc morbum producere censuerunt: at sanguinis circuitus detectus haec lascivientis cerebri figmenta penitus delevit, et homines ratiociniis suis basin firmiorem adstruere coegit.

QUAMVIS

^a Actuarius, cap. xi. *Mead on poisons, essay 1. p. 32.*

^b De loc. affect. lib. vi. cap. 3.

^c Observation. Medicinal. lib. ii. p. 216.

^d Observation. Chirurgic. centur. v. observat. 53.

^e Oribasius de renibus, cap. xxvii.

Paul. Aeginet. de re Medica, lib. iii. cap. 45.

Theophilus lib. de urinis, cap. 5.

QUAMVIS hunc morbum primo ingruentem dignoscere difficile sit, cum tamen inveteraverit, symptomata quaedam ab aliis morbis liquido distinguunt. Aretaeus^a dicit, quod cum futurus est, os humore privatur, saliva est albida, spumans perinde atque in siti; nondum tamen sitiunt.

PROGNOSIS ex diuturnitate mali deduci queat; primo enim adventanti facile occurritur; sed cum adoleverit, remediis parum auscultat, neque facile evincitur. Riverius^b senibus periculosum asserit; Lommius^c autem, quod curari nunquam potest, cum in vetustatem incidit, affirmat.

IN causis hujus morbi investigandis, a semita trita celeberrimis viris pressa, quorum vestigiis insistere in aliis rebus mihi ambitio esset, paululum deflectere ausus sum; quamvis satis compertum habeo, quam plena periculi res est, novas vel potius desuetas in medium proferre opiniones, praesertim cum medendi methodus his innititur; quamque inutilis est omnis theoria, nisi quatenus praxin vel promovet, vel corrigit: hanc igitur opinionem quam propositurus sum, quorundam celebrium auctorum suffragiis firmare conabor.

LAXITAS renum, pro prima, et pervulgata hujus morbi causa, a plerisque^d statuitur; quae potius effectus vel
signum

^a Lib. ii. de sign. et caus. diuturn. morbor. cap. 2.

^b Prax. Medic. lib. xiv. cap. 6.

^c Loco jam citato.

^d Oribasii synopsis lib. ix. cap. 35.

Boerhaav. Institution. parag. 824.

Frederic. Hoffman. opera omnia, tom. i. p. 307.

signum morbi, a quo tanquam a causa sua producitur, habeatur; mihi enim prae caeteris omnibus sententia Willifiana arridet, quod hic morbus potius et immediatius sanguinis est affectio, ab ejus dissolutione orta, quam renum. Hanc opinionem omnibus nervis tueri nititur Willifius^a; cui Huxhamus^b etiam assentiri videtur his verbis; Sudor forsan profusus, diarrhaea, diabetes, et salivationes spontaneae, a quadam serosorum globulorum dissolutione oriuntur.

ARETAEUS^c hunc morbum hydropis speciem existimat, et eandem humorum colliquationem supponit, renes vero in culpa esse ne vel suspicari videtur.

PRIMO hujus morbi adventu nullum apparet symptomata, quod renes vitiatos esse ostendat; urina enim modo fere usitato, solito autem pallidior et copiosior excernitur: hoc saepissime in multis casibus, impedita a suscepto frigore perspiratione et similibus, absque aliqua fecernentium vaporum noxa, evenit: renes tamen, morbi decursu, in ruinam etiam trahi, et a debilitate, quae per totum corpus grassatur, tandem pessundari, haud inficias ibo; hoc autem sero fit, et morbo potius supervenit, quam praecedit.

SANGUINEM ex globulis rubris sero flavo innatantibus, hos autem singulos ex sex serosis, hos denuo ex sex lymphaticis, conflare, omnibus in Medica arte vel tyronibus notum est: haec globulorum series eousque fortasse imminuitur,

^a Pharmaceut. rational. sect. iv. cap. 3.

^b *Essay on Fevers*, chap. v. p. 46.

^c de morbor. diuturn. curatione, lib. ii. cap. 2.

minuitur, ut non solum visum, sed captum etiam humanum effugiat : talis liquidi crasis ex particulis mole tam diversis conflati, variis dissolutionis gradibus hoc obnoxium reddit : et certus forsan dissolutionis gradus certi cujusdam morbi parens sit, et humores, ad hanc potius quam illam glandulam transeundum, disponat : sic jalappa humores ad glandulas intestinales, mercurius ad salivales, nitrum ad renes, determinat.

DIATHESIS sanguinis variis modis mutari possit ; in ferrosam vero colluviem sequentia fundunt, nimirum liquida aquosa, tepida, diluentia, emollientia ; diuturnus liquoris spirituosus abusus, unde vasorum elasticitas, qua condensatur sanguis, destruitur ; vita sedentaria, balneum tepidum, multaque alia, quae recensere non opus est.

SYMPTOMATA hujus morbi sunt :

Copiosa urinae excretio, quantitatem liquoris ingesti excedens.

Pallida et insulsa urina.

Urinae color lacteus et dulcedo.

Sitis immodica, et febris quaedam hectica.

Intumescencia femorum, crurum et pedum.

COPIOSAM urinae excretionem colliquationem humorum necessario comitari facile patet : sanguis enim jam dissolutus per arterias renales vi cordis propulsus, harum ramulos substantiam renum perreptantes, nullo negotio transit ; particulae enim orificiis arteriolarum respondentes, et nul-

lam ibi resistantiam invenientes libero itinere feruntur, et quasi transcolantur. In hoc loco argumentum haud invalidum obiter occurrit, quod viae renales non adeo patulae sunt, ut vulgo censetur; si enim sic se res habeat, quid obstat quo minus hae laxatae et ampliatae arteriolae globulos rubros transmittant, ut hominibus debilitatis superstrata viarum rheda invehitis, frequenter, nunquam autem, quod sciam, in hoc morbo accidere solet.

HOMINIS fani urina, ex aqua, sale, oleo, et terra, constat; inter haec elementa aqua prae reliquis abundat, sal sapore suo, oleum colore et odore se prodit: experientia comprobatum est, urinam jamjam a fecernentis organi actione pelvi infusam, limpidam prorsus et inodoram esse; principia etenim caetera aquosis particulis adeo copiose diluuntur, ut sensibus nostris se manifestare haud possint: haec lympham autem colorem subflavescentem, saporem falsum, odoremque rancidum mora sua in viis urinariis induit, qua partes tenuiores et aquosae absorbentur, et tunc caetera elementa sensibus nostris patentia facilius percipiuntur. In hoc autem morbo, ob tenuitatem humorum transitus celerior conceditur, quam ut mora ad hanc absorptionem necessaria detur; et fortasse vasa absorbentia adeo debilitentur, ut suis officiis fungendis omnino inepta evadant; praeterea, cum color urinae magna ex parte ab oleo renixu vasorum attenuato, sapor vero a salibus exaltatis pendere videntur, facile apparet, quod languente fluidorum motu, attritus satis validus, quo color et sapor sanae urinae producantur, haud fiat: hinc pallida et insipida devenit
urina.

urina; ideoque in hoc morbi stadio cum sapore sanae urinae collata, dulcis utcunque vocari possit.

COLOR urinae lacteus organa sanguificationi inservientia diuturno malo jam debilitata testatur; haec enim, vi sua elastica imminuta, chylum e ductu thoracico sanguini affusum, miscere, assimilare et elaborare haud possunt, at crudum et fere immutatum ad renes sub specie lactis trajiciendum amandant: sanguis puellae chlorosi laborantis ex vena imprudenter secta emissus hoc clare demonstrat, fere enim instar chyli albescit.

DULCEDO urinae a multis tanquam symptomata hujus morbi pathognomicum censetur: in explicatione vero hujus phaenomeni multum inter se discrepant.

Willisius dicit, “ Ita ^a suspicari fas sit, urinam in Diabete
“ adeo dulcescere, eo quod salibus in sero combinatis par-
“ ticularum quaedam sulphureae ex colliquatione solidarum
“ partium debilitatae accrescunt.”

Keilius ^b autem, “ Pars sanguinis rubra in sero liquata, et
“ per renum glandulas amandata, non aliter urinae dulce-
“ dinem conciliat, quam lithargyrus aut corallium aceto,
“ cum salibus nempe coalescendo, eorumque figuras, ac
“ proprietates immutando.”

Celeber-

^a Loco citato.

^b Tentamina Medico-phisica, tentam. iv. p. 121.

Celeberrimus autem Mead ^a hanc urinae dulcedinem defectui falis in aquosa bilis parte, quam ait absque fale dulcescere, attribuit.

SI vero haec dulcedo saccharina morbi stadium, in quo color urinae lacteus adest, comitetur, haud difficilis explicatu videtur: omnes enim norunt, quam minimam inter lac et chylum differentiam intercedere; et ex chymicis patet, quod sal lactis essentiale indole sua saccharum quodammodo aemuletur.

IMMODICA et inexplebilis fitis morbi hujus comes dirus et importunus semper adest; quamvis enim pars aquosa ante omnes in sanguine abundat, tamen quum continuo haec eadem ad renes ruat, reliquae corporis partes naturali suo humore privantur, et glandulae irrigationi oris, et totius tubi intestinalis dicatae, fere arescunt: in oeconomia etenim animali pro axioma poni possit, una aliqua secretionem aucta reliquas omnes minui: praeterea humores inquilini a vitio sanguinis secreti, a conditionibus sanis deflectunt, et acrimoniam suscipiunt, quae tenuem, subacidulum potum ad eam diluendam efflagitat; hinc fitis praesto est, ut haec acria dilui, diluta vero e corpore pelli possint: tale quid hydropicis accidit, in quibus licet aquosa colluvies tanta pene sit, ut hac demersi suffocentur, tamen siti insatiabili plerumque miseri torquentur.

MULTAE causae ad febrim hecticae speciem producendam

^a Loco citato.

dam simul concurrunt. In fluidis nostris, ut observat Van Swieten ^a, certus soliditatis gradus, quo motus his vi cordis impressus continuari possit, requiritur; quando haec debita soliditas abest, inertes evadunt humores, et per canales suos difficilius propelluntur; hanc humorum inertiam cor repetitis ictibus subigere conatur, nec se ob fibrarum suarum debilitatem penitus evacuare valet, sed semper fere in se retinet aliquam sanguinis partem, quae ad contractionem stimulat, et hanc febrim hecticae aemulam excitat; et fortasse humores hi lenti torpidique, mora sua in vasis, acrimoniam quandam susceperunt, quae cor sensile vellicat, et in tales repetitas contractiones urget.

EXTREMITATUM inferiorum intumescencia, cum aliis symptomatibus jam memoratis, magnam inter hunc morbum et hydropem similitudinem indicare videtur, quam aliqui auctores, ut antea notavimus, observarunt: hi tumores sub noctem imprimis conspicui sunt, mane vero evanescunt, et ex hoc oriri videntur, quod fibrae vasa componentes, jam morbo labefactatae, liquidis distendentibus nullo cum renixu cedunt; tumores hujusmodi in partibus pendulis a cordis impetu remotioribus saepius apparent, ipsa etenim fluidorum gravitas ad reditum impediendum, cum aliis causis conspirat; ficque hoc symptoma plerumque evanescere horizontali aegri decubitu, vespere vero ob causas praedictas, redire videmus.

IN morbo, ab auctoribus inter se toto coelo dissentientibus,

C

explicato,

^a Commentar. in Aphorif. § 43. p. 53.

explicato, certam stabilemque medendi methodum instituere haud facile est; singuli enim methodum suis sententiis congruam excogitarunt: alii ^a abstinentioniam ab omnibus aquosis, et urinam cientibus praecipiunt, alii ^b autem horum usum commendant; alii ^c adstringentia praescribunt, alii ^d autem tanquam inefficacia, imo exitialia condemnant: at notatu dignum est, quod inter tot varias et diversas opiniones, aqua calcis locum suum tenet, et a plerisque ^e praescribitur.

QUI hunc morbum imbecillitati renum ascribunt, hi, si sibi ipsis consentiant, ab astringentibus remediis curationem inchoare debent, quae, si fidem auctoribus quibusdam non inferioris notae adhibeamus, in initio morbi periculosissima sunt, quoniam fluxum urinae cohibent, et hoste nondum expulso, pessulum foribus obdunt, viam praeccludunt, multaque mala symptomata pariunt.

ARETAEUS Cappadox dicit ^f, “ Sin autem vel parum: “ temporis a meiando abstinuerint, intumescunt lumbi, “ testes, et ilia.”

JUNKERUS sic etiam ^g, “ Astringentia si in Diabete ad fluxum

^a Celsus, lib. iv. cap. 20. Paul. Aeginet. de re medic. lib. iii. cap. 45.

^b Keil. Tentam. medico-phisica, tentam. iv.

^c *Shaw's Practice of Physic*, part 1. sect. 15. p. 256.

^d Willis. loco citato.

^e Vid. Willis. Keil. et Mead. locis citatis.

^f Loco citato.

^g *Conspect. medicinae*, tabula 100. p. 811.

“ fluxum cohibendum adhibentur, viscera vehementius
“ constringunt, tumores lumborum, immo, ascitem et
“ mortem accelerant.”

CERTE rationi consentaneum videtur, quod nisi prius fluidorum vitium corrigatur, quam renes constringantur, ab uno loco frustra arcemus, cum in alium magis patulum, et qua data porta citissime irruent.

HAC de causa igitur in initio hujus morbi ab adstringentibus prorsus abstinere, cum indicationes curativae ita sese habere videntur.

Primo, Sanguinem invigorare, et particulis nimis facile a se mutuo dilabentibus, cohaesionem conciliare.

Secundo, Partes solidas corroborare, et morbi reditum praecavere.

AD primam indicationem respondendam, remedia balsamica, incrassantia, exhibenda sunt. Gummi Arabicum, tragacantha, ichthyocolla, emulsiones ex amygdalis dulcibus, pistaciis, et seminibus papaverum alborum, decocta ex althaea, et consolida majori: lac coctum, opium etiam, quod perspirationem auget, sicque reliquas secretiones minuit, bonos praestat effectus. Omnibus autem modis sanguinem compingentibus medicina gymnastica palmam facile praeripit; et hinc fit, quod laboribus exercitati sanguinem magis coccineum habent, quam qui vitam sedentariam et inertem degunt; haec autem intendi aut remitti possit pro viribus.

viribus aegri, initio a lenioribus exercitiis facto, et ad valentiora sensim progrediendo ; si vero adeo debilis sit aeger, ut exercitium sustinere haud queat, frictio vices ejus quodammodo supplere possit.

QUANDO ex imminuto urinae fluxu, et aliis symptomatibus mitigatis, compertum fatis haberem, quod sanguinis crasis in melius mutabatur, ad secundam intentionem animi adverterem.

PARTES scilicet solidas corroborare, et morbi reditum praecavere. Ad hanc implendam in usum revocanda sunt adstringentia, cortices nimirum granatorum, cortex Peruvianus, rhabarbarum modice sumptum, radices tormentillae et bistortae, fructus mespilorum, et hujusmodi, in formulis aegri palato arridentibus ; aquae etiam chalybeatae prodesse possunt, aqua calcis propinanda est ad quantitatem unciarum quatuor ter aut quater de die ; per decursum hujus morbi totum, victus sit levis, ficcus, et parcus, ex hordeo, oryza, tritico, milio, pane bis cocto, gelatina ex cornu cervi vel pedibus vitulinis, cum pauxillo grati cujusdam acidi ; cyathus vini meracioris subinde concedatur, et ad sitim sedandam, potus sit ex emulsione Arabica, cum elixiris vitrioli aut spiritus sulphuris per campanam q. s. ad gratum acorem : his demum aegro insistendum erit, donec omni ex parte convaluerit.

F I N I S.